

- ℣. Domine, exaudi orationem meam.  
℟. Et clamor meus ad te veniat.  
℣. Dominus vobiscum.  
℟. Et cum spiritu tuo.

## OREMUS.

Tua, quæsumus omnipotens sempiterne Deus, immensæ Majestatis dextera, hanc creaturam Incensi bene ☩ dicere, et sancti ☩ dicare digneris: ut in virtute sancti Nominis tui omnes immundorum spirituum fantasticos incursus effugare, omnes morbos, reddit a sanitatem, expellere, ubicumque fumus ejus afflaverit, mirabiliter possit: atque tibi omnipotenti Deo odorem fragrantissimum perpetua suavitate reddere. Per Christum Dominum nostrum. **℟.** Amen.

*Aspergatur aqua benedicta.*

BENEDICTIO AURI, THURIS, ET MYRRHÆ IN EPIPHANIA  
DOMINI.

(Ex Col. P. Sannig.).

- ℣. Adjutorium nostrum in nomine Domini.  
℟. Qui fecit cœlum et terram.  
℣. Domine, exaudi orationem meam.  
℟. Et clamor meus ad te veniat.  
℣. Dominus vobiscum.  
℟. Et cum spiritu tuo.

## OREMUS.

Suscipe, sancte Pater, à me indigno famulo tuo hæc munera, quæ in honorem nominis tui sancti, et in ti-

tulum Omnipotentis tuæ Majestatis humiliter tibi offero, sicut suscepisti Sacrificium Abel justi, et sicut eadem munera tribus Magis tibi quondam offerentibus suscepisti. Exorcizo te Creatura Auri, Myrrhæ, et Thuri per Patrem ☩ Omnipotentem, per Jesum ☩ Christum Filium ejus Unigenitum, per Spiritum Sanctum ☩ Paraclitum, ut à te discedat omnis fraus, dolus, et nequitia diaboli, et sit remedium salutare humano generi contra insidias inimici: ut quicumque divino freti auxilio in suis loculis, domibus, aut circa se habuerint, per virtutem et merita Salvatoris nostri, ac intercessionem ejus Sanctissimæ Genitricis, et Virginis Mariæ, ac eorum, qui hodie similibus muneribus Christum Dominum venerati sunt, omniumque Sanctorum, ac omnibus periculis animæ, et corporis liberentur, et bonis omnibus perfrui mereamur. **℟.** Amen.

Deus invisibilis, et indeterminabilis, pietatem tuam, per sanctum et tremendum Filii tui nomen, suppliciter deprecamur, ut in hanc Creaturam Auri, Thuri, et Myrrhæ bene ☩ dictionem, ac operationem tuæ virtutis infundas; ut qui ea penes se habuerint, ab omni ægritudinis, et læsionis incursu tuti sint, et omnes morbos corporis, et animæ effugiant, nullum dominetur eis periculum, et læti, ac incolumes tibi in Ecclesia tua deserviant. Qui in Trinitate perfecta vivis et regnas Deus, per omnia sæcula sæculorum. **℟.** Amen.

*Postea aspergantur aqua benedicta.*

Et benedictio Dei omnipotentis Pātris, et Fīlii, et Spīritus Sancti descendat super hanc Creaturam Auri, Thuri, et Myrrhæ et maneat semper. **℟.** Amen.

## BENEDICTIO SEPULTURÆ NOVÆ.

(Ex Rituali FF. Ord. B. V. M. de Monte Carmelo).

- v. Adjutorium nostrum in nomine Domini.  
R. Qui fecit cœlum et terram.  
v. Domine, exaudi orationem meam.  
R. Et clamor meus ad te veniat.  
v. Dominus vobiscum. R. Et cum spiritu tuo.

## OREMUS.

Sanc **X** tificetur habitaculum istud, Domine Deus, per nostram supplicationem: ut ab eo omnes conatus immundorum spirituum mentes fidelium excitentur ad veniam impetrandam peccatorum, sive poenarum pro defunctis in eo quiescentibus: ut cito à poenis omnibus animæ liberentur; et in die judicii cum corpore gloria- sa felicitate fruantur. Per Christum, etc.

*Aspergatur aqua benedicta.*

## BENEDICTIO MUNERIS SEU VOTI QUOD OFFERTUR ECCLESIAE.

(Ex Rit. Vicen. et Urgel.).

- v. Adjutorium nostrum in nomine Domini.  
R. Qui fecit cœlum et terram.  
v. Domine, exaudi orationem meam.  
R. Et clamor meus ad te veniat.  
v. Dominus vobiscum. R. Et cum spiritu tuo.

## OREMUS.

Deus, cuius verbo, et potentia facta sunt omnia, et cuius dono percipimus, quæ ad vitæ remedium possi-

demus; te supplices obnixis precibus rogamus: ut de sede Majestatis tuæ huic oblationi fidelium sanctificator accedas; suscipe de manu famulorum tuorum munus oblatum, quod à tua clementia benedictum in usus hu- jus sanctuarii maneat consecratum. Sint hæc in conspectu tuo libenter accepta, sicut quondam Abel alumi- ni tui, vel Melchisedech tibi munera placuerunt obla- ta. Et quia ad honorem tui amoris Ecclesiam tuam summis nituntur decorare obsequiis: tu eis, Domine, magna pro parvis recompensa, et devotionem eorum accipias, peccata dimittas, fide eos repleas, indulgentia foveas, misericordia protegas, adversa destruas, pros- pera concedas, habeant in hoc sæculo actionis bonæ documentum, charitatis studium, sancti amoris affec- tum, et in futuro cum sanctis Angelis adipiscantur perpetuum regnum. Per Christum Dominum nostrum.  
R. Amen.

*Aspergantur munera aqua benedicta.*

## BENEDICTIO ANNULI ORDINARIA.

(Ex Col. P. Sannig.).

- v. Adjutorium nostrum in nomine Domini.  
R. Qui fecit cœlum et terram.  
v. Domine, exaudi orationem meam.  
R. Et clamor meus ad te veniat.  
v. Dominus vobiscum.  
R. Et cum spiritu tuo.

## OREMUS.

Creator et Conservator humani generis, dator gra-

tiæ spiritualis, conditor æternæ salutis : tu Domine emittere digneris Spiritum S. tuum Paraclitum de cœlis, et tuam sanctam benedic **X** tionem super annulum hunc, ut sit armatura potens contra omnes virtutes diabolicas. Et ego in tuo nomine eum bene **X** dico, et sancti **X** fico. In nomine Patris **X**, et Filii, et Spiritus Sancti. **R.** Amen.

*Aspergatur, etc.*

#### BENEDICTIO TINTINNABULI SEU CAMPANÆ.

(Ex Rit. Seraph. S. Fran.).

- V.** Adjutorium nostrum in nomine Domini.
- R.** Qui fecit cœlum et terram.
- V.** Domine, exaudi orationem meam.
- R.** Et clamor meus ad te veniat.
- V.** Dominus vobiscum.
- R.** Et cum spiritu tuo.

#### OREMUS.

Bene **X** dic, quæsumus omnipotens Deus, benedictione tua cœlesti cimbalum hoc, et sistat super eum virtus Spiritus Sancti; ut ubicumque postmodum sonuerit ejus tinnitus, procul recedat virtus insidiarum, umbra phantasmatum, incurso turbinum, percussio fulminum, læsio tonitruorum, calamitas tempestatum, et omnis spiritus procellarum. Qui vivis, etc.

*Aspergatur aqua benedicta.*

#### BENEDICTIO NOVI PUTEI.

(Ex Rituali Vicen. Tarrac. Barcin. et Urg.).

- V.** Adjutorium nostrum in nomine Domini.
- R.** Qui fecit cœlum et terram.
- V.** Domine, exaudi orationem meam.
- R.** Et clamor meus ad te veniat.
- V.** Dominus vobiscum.
- R.** Et cum spiritu tuo.

#### OREMUS.

Domine Deus omnipotens, qui hujus putei altitudinem per crepidinem fistularum copiam aquarum manare jussisti, præsta: ut te juvante, atque bene **X** dicente, per nostræ officium functionis, repulsis hinc phantasmaticis collusionibus, atque diabolicis insidiis, purificatus, atque emundatus semper hic puteus perseveret. Per Christum Dominum nostrum. **R.** Amen.

*Aspergatur, etc.*

#### BENEDICTIO BAPTISTERII.

(Ex Rit. Vicen. Tarr. et Barc.).

- V.** Adjutorium nostrum in nomine Domini.
- R.** Qui fecit cœlum et terram.
- V.** Domine, exaudi orationem meam.
- R.** Et clamor meus ad te veniat.
- V.** Dominus vobiscum.
- R.** Et cum spiritu tuo.

#### OREMUS.

Omnipotens sempiterne Deus, Baptisterium hoc salutis æternæ cœlesti visitatione dedicatum, Spiritus

tui illustratione sancti **X** fica: ut quotiescumque in fonte isto lavandi trina ablutione fuerint aspersi, purgationem, et omnium delictorum suorum indulgentiam consequantur. Per Christum Dominum nostrum.

**R.** Amen.

OREMUS.

Multiplica, Domine, bene **X** dictionem tuam, et Spiritus Sancti munere fidem nostram corrobora: ut qui in hæc fluenta descenderint, in libro vitæ adscribi mereantur. Per Christum Dominum nostrum. **R.** Amen.

Aspergatur, etc.

BENEDICTIO SALIS IN OS BAPTIZANDI IMPONENDI.

(Ex Rit. Rom. Vicen. Tarr. et aliis).

- V.** Adjutorium nostrum in nomine Domini.
- R.** Qui fecit cœlum et terram.
- V.** Domine, exaudi orationem meam.
- R.** Et clamor meus ad te veniat.
- V.** Dominus vobiscum. **R.** Et cum spiritu tuo.

Exorcizo te, creatura salis, in nomine Dei Patris **X** omnipotentis, et in charitate Domini nostri Iesu **X** Christi, et in virtute Spiritus **X** Sancti. Exorcizo te per Deum vivum **X**, per Deum verum **X**, per Deum sanctum **X**, per Deum **X**, qui te ad tutelam humani generis procreavit, et populo venienti ad credulitatem per servos tuos consecrari præcepit, ut in nomine sanctæ Trinitatis efficiaris salutare Sacramentum ad effugandum inimicum. Proinde rogamus te, Domine

Deus noster, ut hanc creaturam salis sanctificando sanctifiques **X**, et benedicendo benedicas **X**, ut fiat omnibus accipientibus perfecta medicina, permanens in visceribus eorum, in nomine ejusdem Domini nostri Iesu-Christi qui venturus est judicare vivos et mortuos, et sæculum per ignem. **R.** Amen.

BENEDICTIO FONTIS BAPTISMI EXTRA SABBATUM PASCHÆ ET PENTECOSTES, CUM AQUA CONSECRATA NON HABETUR.

(Ex Rit. Rom. Vicen. et aliis).

*Hæc benedictio privative attinet ad Parochos cum sit de jure mere parochiali.*

Primum lavatur, et mundatur vas Baptisterii, deinde limpida aqua repletur. Tum Sacerdos cum suis Clericis, vel etiam aliis Presbyteris, Cruce et duabus cereis præcedentibus, ac thuribulo et incenso, et cum vasculis Chrismatis, et Olei Catechumenorum descendit ad Fontem, et ibi, vel ante Altare Baptisterii dicit Litaniam ordinariam, prout habetur supra, pag 40. Et ante **V.** Ut nos exaudire digneris, dicat et secundo repeatet sequentem

**V.** Ut fontem istum ad regenerandam tibi novam prolem benedicere **X**, et consecrare **X** digneris, Te rogamus audi nos.

*Potest etiam dici Litania brevior, ut in Missali in Sabbato Sancto.*

*Et dicto ultimo, Kyrie eleison, Sacerdos dicat: Pater noster, et Credo in Deum, etc., omnia clara voce: quibus finitis dicat:*

- ¶. Apud te, Domine, est fons vitae.  
 ¶. Et in lumine tuo videbimus lumen.  
 ¶. Domine, exaudi orationem meam.  
 ¶. Et clamor meus ad te veniat.  
 ¶. Dominus vobiscum.  
 ¶. Et cum spiritu tuo.

## OREMUS.

Omnipotens, sempiterne Deus, adesto magnæ pietatis tuæ mysteriis, adesto Sacramentis, et ad recreandos novos populos, quos tibi Fons Baptismatis parturit, spiritum adoptionis emitte: ut quod nostræ humilitatis gerendum est ministerio, virtutis tuæ impleatur effectu. Per Dominum nostrum Jesum-Christum Filium tuum, qui tecum vivit, et regnat in unitate Spiritus Sancti Deus, per omnia sæcula sæculorum. ¶. Amen.

*Exorcismus aquæ.*

Exorcizo te, creatura aquæ, per Deum ☧ vivum, per Deum ☧ verum, per Deum ☧ sanctum, per Deum, qui te in principio, verbo separavit ab arida, cuius super te Spiritus ferebatur, qui te de paradiſo manare jussit.

*Hic manu aquam dividat, et deinde de ea effundat extra marginem Fontis versus quatuor Orbis partes, prosequens:*

Et in quatuor fluminibus totam terram rigare præcepit: qui te in deserto amaram, per lignum dulcem

fecit, atque potabilem: qui te de petra produxit, ut populum, quem ex Ægypto liberaverat, siti fatigatum recrearet. Exorcizo te et per Jesum-Christum Filium ejus unicum, Dominum nostrum, qui te in Cana Galilææ signo admirabili sua potentia convertit in vinum: qui super te pedibus ambulavit, et à Joanne in Jordane in te baptizatus est: qui te una cum Sanguine de latere suo produxit; et discipulis suis jussit, ut credentes baptizarent in te, dicens: Ite, docete omnes Gentes, baptizantes eos in nomine Patris, et Filii, et Spiritus Sancti: ut efficiaris aqua sancta, aqua benedicta, aqua, quæ lavat sordes, et mundat peccata. Tibi igitur præcipio, omnis spiritus immunde, omne phantasma, omne mendacium, eradicare, et effugare ab hac creatura aquæ, ut qui in ipsa baptizandi erunt, fiat eis fons aquæ salientis in vitam æternam, regenerans eos Deo Patri, et Filio, et Spiritui Sancto, in nomine ejusdem Domini nostri Jesu-Christi, qui venturus est judicare vivos et mortuos, et sæculum per ignem. ¶. Amen.

## OREMUS.

Domine Sancte, Pater omnipotens, æterne Deus, aquarum spiritualium sanctificator, te suppliciter deprecamur, ut ad hoc ministerium humilitatis nostræ respicere digneris, et super has aquas abluendis et purificandis hominibus præparatas, Angelum sanctitatis emittas, quo peccatis, vite prioris ablutis, reatuque deterso, purum Sancto Spiritui habitaculum regenerati effici mereantur. Per Dominum nostrum Jesum-Chris-

tum Filium tuum, qui tecum vivit, et regnat in unitate Spiritus Sancti Deus, per omnia saecula saeculorum. **R.** Amen.

*Tunc sufflet ter in aquam versus tres partes secundum hanc figuram **V**; deinde imponit incensum in thuribulo, et Fontem incensat. Postea infundens de Oleo Catechumenorum in aquam in modum Crucis, clara voce dicit:*

*Sanctificetur, et foecundetur Fons iste Oleo salutis renascentibus ex eo in vitam aeternam in nomine Patris **X**, et Filii **X**, et Spiritus **X** Sancti. **R.** Amen.*

*Deinde infundit de Chrismate modo quo supra, dicens: Infusio Chrismatis Domini Jesu-Christi, et Spiritus Sancti Paracliti, fiat in nomine sanctae Trinitatis. **R.** Amen.*

*Postea accipit ambas ampullas dicti Olei sancti et Chrismatis, et de utroque simul in modum Crucis infundendo, dicit: Commixtio Chrismatis sanctificationis, et Olei unctionis, et aquae Baptismatis pariter fiat in nomine Patris **X**, et Filii **X**, et Spiritus **X** Sancti. **R.** Amen.*

*Tum deposita ampulla, dextera manu Oleum sanctum, et Chrisma infusum miscet cum aqua et spargit per totum fontem. Deinde medulla panis manum tergit; et si quis baptizandus est, eum baptizat. Quod si neminem baptizat, statim manus abluit, et ablutio effundatur in Sacrarium.*

## TITULUS II.

### DE BENEDICTIONIBUS ANIMALIUM.

*Benedictiones contentæ in hoc secundo titulo fieri possunt à quocumque simplici Sacerdote.*

#### BENEDICTIO EQUORUM ALIORUMQUE ANIMALIUM IN FESTO SANCTI ANTONII ABBATIS.

*(Ex Inst. can. 47, Bened. XIV ex Biblioth. Ferr. et Rit. Barcin.).*

- V.** Adjutorium nostrum in nomine Domini.
- R.** Qui fecit coelum et terram.
- V.** Domine, exaudi orationem meam.
- R.** Et clamor meus ad te veniat.
- V.** Dominus vobiscum. **R.** Et cum spiritu tuo.

#### OREMUS.

Deus refugium, et virtus, adesto piis Ecclesiæ tuae precibus, auctor ipse pietatis, et præsta: ut quod fideliter petimus, efficaciter consequamur. Per Christum Dominum nostrum. **R.** Amen.

#### OREMUS.

Omnipotens sempiterne Deus, qui gloriosum beatum Antonium variis temptationibus probatum, inter mundi hujus turbines illæsum transire fecisti: concede famulis tuis, ut et præclaro ipsius proficiamus exem-